

Die Schintheilige

Unser Sütterlihuus das isch total gschlisse
Au um d`Schmitti hän sie alles abegrisse
S`ältische Huus isch ab jetz, do wird`s mir sturm,
am Hinterwäg, die alt Ruine Datzelwurm

thots emu trhekrev eppaW reliwräD snnew
thog tchansaF githciR se ssad hcsieW
Neid ä Bangg isch Richtig und nid verzerrt,
Näbscht em falsche Wappe, singe mir au verkehrt

Für euch als Info, söttet ihr mol dört verkehre
In Ettige bim Migros, gits ä neue Trambarriere
Mir freue uns für d`Gugger, das duet dene guet,
s`isch s`einzig/hellschte Lämpli wo dört hinde lüchte duet

Dr Möschtlü wird nöchscht Monet pensioniert.
Er het aber scho ä neus Projäktli lanciert.
Mit Rollator und Rheumadecki, pssst, s`isch no Gheim
Wird er dr neuü Bachelor bi uns im Bluemerain

Durch unser Dorf sehni dr Schaggi vom Elsass fahre
Ganz bleich, nid nur er, nei au si Chare
Er schlotteret, duet sich gege d`Träne wehre,
wäg dr Umleitig het er z`Ettige müesse chere.

Letschti hani mi in Stärne für ä Wurschtsalat (garniert) verirrt
Und bi denn verschrocke, scho wieder ä neue Wirt
dass dä gli wieder zue goht, das chasch grad vergässe
Denn äändlich cha mä z`Därwil Italiänisch ässe

Dr Samsi lütet dr Lilliane nach de Gmeindrotwale a
Jetzt hesch jo Zyt, wottsch ä Jöbli bi mir ha?
Ich stell di a, ich ha öbbis passends würdi sage,
zum d`Vögel vo de Gmüesfälder verjage.

Bi dr Wahl für unseri Ehredame vom Landfescht
wählt mä us em Dorf, nur s`Schönste und au s`Bescht
Um das Ämtli hin sich viele vergäbens grisse
au dr Gutzwiller Rene, fühlt sich wäg dr Uswahl bschisse

Ei bsunders Thema, macht Därwil wältbekannt,
sogar in China, Namibia und im Schwobeland.

Au in USA, Burkina Faso und Burundi
In Russland, dä Seychelle und in Italie undi
In Ruanda, Bangladesch und Dschibuti
In Kuba und Mali, lacht mä sich kaputti
Im Radio und Färnseh wird drüber diskutiert,
und im Kaffi Träumli wird philosophiert.
Die Sach isch schnäll um d`Wält ume gflitzt,
Unseri Silvia hets mit ihrem E-Bike blitzt.



fasnacht 2017

Därwiler

